

**醫有十種**——通收邪正，貫彼遍、圓，前之三種，亦稱醫者。佛未出時，一切外道皆自謂出家，各自領眾故也。

一、病增無損（損結）或時致死	譬空見外道，恣意行惡，教人起邪，斷善根法，法身既亡，慧命亦死。
二、不增不損	譬有見苦，行外道，投巖赴火，苦行行善，不得禪定，不能斷結，故不損；亦不斷善，故不增。
三、損而不增，但差（音瘥，治愈）已還發。	譬修定斷結外道也。雖斷事惑，還墮三塗，以見惑未斷故隨禪受生之後，仍受輪迴也。
四、差已不發，而所治不遍。	譬二乘人，但治一兩種有緣者，不能遍治一切也。《阿含》云：「良醫有四：一、善知病相，二、知病因起，三、善知方治，四、畢竟不發。但是此中第四、第五，二種醫相。何以故？所知病相，不出（三）界內，知病因起不出依正，所有方治，不逾生滅、無常、苦、空、無我、不淨。所云：『不發』只是住二涅槃，若以四名義通諸教。則一一教，隨義各別（無生四諦、無量四諦），乃至圓教（無作四諦）於理無妨。若直引彼以證此經，則尚不通教巧治，安譬本門數數生滅，深不可也。」
五、雖能兼遍，而無巧術，用治苦痛。	譬如六度菩薩，慈悲廣治，難行苦行。所謂拙度也。
六、巧術治無病惱，但不能治必死之人。	譬通教菩薩，體法巧術，但治有反覆凡夫，不治敗種二乘也。
七、雖有能治難愈之病，不能一時治一切病。	譬如別教地前菩薩也。
八、能一時治一切病，而不能令平復如本。	譬圓教十信也。自入未深，未能令他見本法身，法身被無明所覆，義如病損，令還得見，方名為復也。
九、能遍治一切，亦令平復如本，而不能令過本。	圓教四十位也。
十、一時治一切病，即能平復，又使過本。	即是如來。法身本有，今令復證本，名之為復，以對性德無功用故，故修名過。然初住以上，亦得名為分過，由殘惑在，且名為復。又讓極地究竟名過也。